



11. februaari 2026

Inatsisartut Suleriaasianni § 37, imm. 1 naapertorlugu tulluuttumi apeqqutit Naalakkersuisunut saqqummiuppakka.

Naalakkersuisunut apeqqutit:

1. Nuummi Imarsiornermik Ilinniarfiup illu atugaata attartornera Namminersorlutik Oqartussanut ullumikkut qanoq akeqarpa?
2. Massakkut atugassarititaasut Nuummi Imarsiornermik Ilinniarfimmilinniartitsinernut, praktikkernernut, ineriartortitsinernullu qanoq tunngavissiiersut Naalakkersuisut nalilerpaat?
3. Nuummi Imarsiornermik Ilinniarfimmilinniartitsinernut ullumikkutut illumik attartorani, illumik pigisaqaraanni naleqqunnerussanersoq Naalakkersuisut naliliinikuuppat?
4. Nuummi Imarsiornermik Ilinniarfimmilinniartitsinernut illumik nutaamik pigisassaminnik Naalakkersuisut sanaartortitsissappata tamanna pisortanut aningaasatigut, allaffissornikkullu sunik kingunissaqarpa?
5. Imarsiornermik Ilinniarfik, imarsiornermillu ilinniarfinni pisariaqartitat siunnerfigalugit Nuummi nutaamik illuliortoqaruni Naalakkersuisut qanoq akeqassangatippaat?
6. Sammisamut soqutiginaartunik allanik Naalakkersuisut paasissutissiisinnaappaat?

(Inatsisartunut ilaasortaq Bo Martinsen, Demokraatit)

Tunngavilersuut

Nunap tamarmi aningaasaqarneranut aamma ineriartorneranut aalajangiisunut aalisarnermut, piniarnermut, imarsiornermut, imarsiornermillu inuussutissarsiuteqarnermi tamarmi sulisussanik ilinniartitsinermi Imarsiornermik Ilinniarfik qitiusumik inissisimavoq. Tamanna pillugu ilinniarfiit allannguajaatsunik, ullutsinnullu naleqquttunik atugassaqaartitsinissaat pingaaruteqarpoq.

Imarsiornermik Ilinniarfik Nuummi qullersaqarfeqarpoq, taassumallu saniatigut Paamiuni immikkoortortaqaqarfeqarluni. Nuummi qullersaqarfik illumilinniartitsinernut attartukkamiippoq. Attartorneq eqaatsumik aaqqiissutaasinnaagaluartoq, pisortanut ataavartumik nalilinnik amerliartortitsisoqarani aningaasartuutit ataavarput. Namminersorlutik Oqartussat namminneq pigisassaannik illumut aningaasaliisoqaruni siunissami ungasinnerusumi naleqqunnerussannginnersoq taassumap misissugassaqqitsilerpaa.

Illu ataatsimoortoq, siunertamullu sanaartugaq ilinniartitsinerit, sannaviit, pisuusaartitsinerit, atugassarititallu allat akornanni ataqaatigiissitsilluarnerusinnaavoq, ilutigisaanillu ilinniarfiit



ineriartortinneqarnerinut aamma siunissami pisariaqartitanut tunngavissiiinnaassalluni. Tassunga atatillugu aningaasatigut, allaffissornikkullu kingunissai kiisalu taamatut aaqqiissuteqarnissami sanaartornissami naatsorsuutigisamik aningaasartuutissat ersarissassallugit pingaaruteqarpoq.

Apeqquteqaatinnut akissutit piffissaliussap ullut suliffiusut qulit iluini tigunissaat qilanaaraara.